

III.

König Otto III. schenkt dem stifte Meissen das
beneficium Thammo's, nämlich die villae Sige-
frideshuson, Silzesteti, Wendilburgoroch im Har-
5 degau gelegen. D. Mogontie, (12. november)
2. id. novemb. 995.

In nomine sanctae et jndiuiduae trinitatis, Otto
diuina fauente clemencia rex notum sit omnibus in
Christo fidelibus tam presentibus quam futuris, quo-
10 modo nos ob interuentum Aigonis uenerabilis episcopi
sancto Johanni euangelistae et sancto Donato martyri
Christi ad altare Misnensis aeclesiae pro remedio
animae patris nostri simul et animae nostrae quandam
nostrae proprietatis partem, quicquid Thammo in be-
15 neficium habuit in uillis Sigefrideshuson, Silzesteti,
Wendilburgoroch, vel ubicumque situm sit, in co-
mitatibus Friderici comitis et Vnegonis comitis et in
pago Hardega situm cum mancipiis utriusque sexus
nostri iuris seruis et ancillis altari pretitulato in pro-
20 prium concessimus firmiterque donauimus cum om-
nibus utensilibus ad id iuste pertinentibus, aedificijs,
areis, pratis, pascuis, campis, siluis, terris cultis et
incultis, aquis aquarumve decursibus, uiis et inuiis,
exitibus et reditibus, molendinis, quaesitis vel adhuc
25 inquirendis omnibusque ad id iuste spectantibus, eo
uidelicet tenore, ut eiusdem aeclesiae presul Aigo
eiusque successores libero perfruantur arbitrio haec
tenendi. Et vt haec nostrae donacionis auctoritas
firma stabilisque permaneat, hoc preceptum inde con-
30 scriptum anulique nostri inpressione signatum manu
propria firmauimus.

Signum domni Ottonis magni et inuictissimi regis.

Hildibaldus episcopus et cancellarius uice Uuilligisi
archiepiscopi et archicancellarij recognoui. (Sigillum.)

35 Data ii. idus novembris, anno incarnationis do-
minicae dcccc.xc.v. jndictione viii., anno uero tercii Ot-
tonis regnantis xii. Actum Mogontie feliciter amen.

(Aus dem originale auf pergament No. 12. im K. S. staats-
archive zu Dresden mit dem bekannten siegel. Eingang und
40 unterzeichnung wie gewöhnlich mit verlängerter schrift.)